

Ilulissat ulloq 12. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(Inatsisartunut ilaasorta, Anthon Frederiksen, Partii Naleraq)

### **Naalackersuisunut apeqquut:**

1. Aalisartut pingaartumik nunaqarfinni isorliunerusunilu tunitsiveqarnikkut qanoq qulakkeerunniarneqarpat ?
2. Aasaanerani tunisassiofinni sulisussaaleqisarneq Naalackersuisunit qanoq iliuuseqarfiginarneqarpat ?
3. Aalisarnermik akuersissutinik aalisartut ilaasa ajornartorsiuteqarnerat Naalackersuisut nalunaarusiorneq aqutugalugu iluarsivigisinnaangilaa-at ?  
(kan Naalackersuisut ordne fiskeri licens problematikken for nogle af fiskerne ved at ændre bekendtgørelse herom)

### **Tungavilersuut:**

Upernaleneri tamaasa, ilami allaat upernaq tikillugu nunaqarfiit ilaanni, illoqarfiillumi ilaanni aalisartut tunitsiveqarnikkut ilaatigut annertoorujussuarmik ajornartoortinneqartarput, tassa tunisassiofiiit/tunitsiviit ilaasa ulikkaartornerat allalluunniit tunisinerup ingerlaqqinnissaanut ajornartorsiutit pissutigalugit.

Taama pisoqartillugu aalisartunut taakkunungalu ilaqutaasunut aningaasarsiorneq ilaatigut unittoorluinnarsinnaasarpog, naak sumiiffiit ilaanni aalisakkat amingaataangilluinnaraluartut.

Pissutsit taamaalisarnerat ukiut tamaasa uteqattaartutut ittarput. Taamaammallu ajornartorsiutit taakkorpiaat tamatta ilikkareersimasariaqaraluarpavut, tullianillu ajornartorsiutit qulaani taaneqartut pinngitsoortinniarlugit iliuuseqartariaqaralualuta.

Tassami taama pisoqartarnera ilaqutariinnut aalisartukkormiunut, suliffissaqartitsiniarnermut aammalu inuiaqatigiinnut aningaasarsiornermut annertuumik annaasaqaataasartoq qularutissaangilaq.

Taamaammat Partii Naleqqamiit paaserusupparput – aappaagumut naalakkersuisut qulaani pineqartut pillugit ajornartorsiutit pinngitsoorniarlugit qanoq iliuseqarniarnersut.

Naluneqanngilaq suliffissaaleqineq piffissap ilaatigut qaffasissorujussuusartoq aamma ilaatigut suliffissaaleqineq qaffasikkaluartoq, naluneqanngilaq aasaanerani suliffissaúarni sulisussaaleqisarneq pissutigalugu aalisakkat tunisassiassaraluit ilaatigut asiutinneqartartut.

Pissutsit utikattumik taamaattuarnerat assut ilungersunarpoq, tassami ilungersunaannarani sulisussaaleqineq aamma inuiaqatigiinnut aningaasarpassuarnik annasaqarfiusartoq tamatta takorloorsinnaavarput, taamaammat Partii Naleqqamiit paaserusupparput, Naalakkersuisut sulisussaaleqisarnermi ajornartorsiutit aningorniarlugit qanoq iliuseqarniarnersut ?

Aalisartut, ilami ukiorpassuarni ilaatigut aalisartuusimasut arlallit aalisarnermut akuersissummik tunineqaqqissinnaanatik uninngatinneqartut sulii ullumilu tusarsaapput. Tamakkulu ilaatigut akiliisinnaassutsit ataanut inissisimalersimasunik ilaqarput, tassami ullumikkut naluneqanngilaq piniarneq kisimi inuussutissarsiutigineqarsinnaanngitsoq aammalu sumiiffinni assigiingitsuni aalisarneq piniarnerlu sumiiffiit ilaanni imminnut ataqatigiisillugit inuuniutigineqartartut.

Taamaattumik Partii Naleqqamiit paaserusupparpput, aalisarnermut inatsisip allanngortinneqarnissaa utaqqeqaanngikkaluarlugu Naalakkersuisut nalunaarusiornikkut ajornartorsiummik aaqqueeriarsinnaannginnerisut ?

Apeqqutip ullut suliffiit qulit qaangiutinnginnerini akissuteqarfigineqarnissaa Partii Naleqqamiit piumasaraarput.